



E-mail-ikkut nassiunneqarpoq uunga:
inatsisartut@inatsisartut.gl

assilinera uunga: Ataatsimiititaliami allatsi Pernille Hansen, perha@ina.alla.gl

**UKA2024/30 pillugu Inuussutissarsiornermut Aatsitassanullu
Ataatsimiititaliamit apequtinut akissut**

11-11-2024
Suliap nr. 2024 - 1520

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

- 1. Qanoq iliorlutik Naalakkersuisut naqinnernik
ilisarinnissinnaangitsut annikitsumik taarsigassarsisinnaanermik
qinnuteqartarnerannik pitsanngorsaaviginiarpaat, taamaaliornikkut
annikitsumik taarsersugassanik qinnuteqarsinnaaneq
ajornaannerulersillugu?**

Nalik Ventures-imut (Nalik) kiffartuunneqarnissamut isumaqatigiissutikkoortumik, Naalakkersuisut Nalik suleqatigalugu qinnuteqartut atugaannik ingerlaavartumik pitsanngorsaanaissaq sulissutigaa, aamma annikitsunik taarsigassarsisinnaanermut aaqqissuussinermut, kisianni tassungaannaangitsoq. Maannakkorpiaq Nalik, aamma Arctic Circle Business (ACB), annikinnerusumik naqinnernik ilisarinnissinnaangitsuniit saaffigineqartarput. Pisuni taakkunani Nalik immersuinerup ingerlanerani alla siunnersortaasoq, soorlu kukkunersuiisartoq, eqqartuussissuserisoq, naatsorsuuserisartoq il.il., aamma qinnuteqartup soqutigisaannik qulakkeerisussaasoq, peqatigalugu siunnersuisussaavoq. Taamaattoq Nalik paasissutissii voq maannakkorpiaq ajornartorsiutaasoq, qinnuteqartut naqinnernik ilisarinnissinnaangitsut ingerlaannaq naqinnernik ilisarinnissinnaanginnerminnik paasissutissiisannginneranniittoq, tassunga tunngatillugu illuatungeriit akornanni ersernerluttoqalersinnaasarluni.

Nalik pingaartumik annikitsunik taarsigassarsinissamut qinnuteqaatini suliassanik suliarinnittarmat, ACB-ip qinnuteqartut Nalik-mut saaffiginneqqullugit siunnersortarpai. Taamaattoq ACB-mi siunnersuisartut allanik siunnersuinnerminnut atatillugu qinnuteqartut immersugassaminnik immersuineranni issiaqatigisarpaat.

Matuma siuliani taaneqartunut atatillugu, maannakkut ajornartorsiutaasut suussusersineqarsinnaappata, Naalakkersuisut Nalik suleqatigalugu naqinnernik ilisarinnissinnaangitsunut atugassarititaasut pitsanngorsarnissaat sulissutigisinnaavaat. Kiffartuunneqarnissamut isumaqatigiissutip siuliani

taaneqartup killissaasa iluanni qinnuteqartunut naqinnernik
ilisarinnissinnaanngitsunut immikkut suleriaasissanik ilanngussisoqarsinnaavoq.

2. Qanoq iliorlutik Naalakkersuisunit, qinnuteqartut pisortanut annertuumik akiitsullit, annikitsumik taarsersugassaminnik akilersuinissaat qulakkeerniarneqarpa?

Aallarniutaasumik inatsimmi¹ § 1, imm. 2 malillugu ingerlatsinerinnarmut
tapersiisoqaqqusaanngilaq. Nassuiaatini allassimavoq, ingerlatsinerinnaq
paasineqassasoq tassaasoq aningaasarsianut nalinginnaasumik
anigaasartuutaasartut, ingerlaavartumik nioqqutissiassanik pisisarneq,
innaallagiamut, imermut kiassarnermullu akiliisarneq il.il. Taamaalilluni
tapersiissutit suliffeqarfimmik aningaasaqarnikkut ajornartorsiortumik
anigaasalersuinissamut aporfivuq.

Qinnuteqartunut piumasaqaatit ilaanni qasukkaasoqaraluartoq,
tapersiivigineqarsinnaanissamut attanneqarsinnaasumik ingerlatsinissamut
pileraaruteqassasoq, sulii piumasaqaataavoq. Ingerlatsinissamut pileraarut,
suliffeqarfik sunik angusaqassanersoq – aammalu qinnuteqartup anguniagaq
taanna qanoq anguniarneraa – ingerlanissamut pileraarutaavoq. Nalilersuinermi
ingerlatsinissamut pileraarut qanoq piujuarsinnaatiginersoq
suliarilluagaatiginersorlu pingaartinneqartarput. Qinnuteqartoq assersuutigalugu
niuerfimmii periarfissaqarfinnut, tunisassiap aningaasarsissutiginnissaanut
naatsorsuutigisanut imaluunniit aningaasaqarnerup paasisimaarineranut,
piviusorsuunngitsumik naatsorsuutigisaqartoq, taamaalilluni
tapersiivigineqarsinnaasussaannngilaq.

Tamatuma saniatigut annikitsunik taarsigassarsinnaanermut aqqissuussinerup
naliliivigineqarnerata takutippaa, Nalik-mi annikitsunik taarsigassarsinnaaneq
pillugu toqqaaniarnerup ingerlasarnera, ingerlatsinermut pileraarutit
nassiunneqartut pitsaassusaannik aallaaveqartartoq, taamaallaat suliffeqarfiit
ingerlasinnaassuseqartut neriulluarnartullu taarsigassarsitinneqartarnissaannik
qulakkeereqataasartoq. Siunertaavoq tapersiisarnermut aqqissuussinerit
suliarineqarnerisa ingerlaqqinneranni, sulianik ingerlatitsisarnerit taakkua
aalajangiusimaneqassasut.

Naggasiutigalugu annikitsunik taarsigassarsititsinermi tunniunneqarsinnaasut
anigaasartai annikitsuinnaapput, taamaattumik Naalakkersuisut naliliipput,

¹ Nunami inuussutissarsiutinut tunngatillugu inuussutissarsiornermik siuarsaaneq
pillugu Inatsisartut inatsisaat nr. 20, 3. december 2012-imeersoq, kingullermik
Inatsisartut inatsisaanni nr. 21, 1. december 2021-meersumi
allanngortinneqartoq.

qasukkartitsinerni Nunap karsiata annertuunik annaasaqarnissaata
ataatsimoortumik aarlerinaateqarnera annikitsuinnaasoq.

**3. Naalakkersuisut allanik suliamut soqutiginaatilimmik
ilisimatitsissutissaqarpat?**

Siunnersuutit arlallit nutserneqarnerannut tunngatillugu oqaatsitigut
unammilligassaqaarsimasoq, Naalakkersuisunut eqqumaffigeqquneqarpoq.
Naalakkersuisut tamanna tunngavigalugu siunnersuutip
pingajussaanneerneqannginnerani siunnersuutip matuma aamma pitsaassusaa
qulakkiissavaat.

Inussiarnersumik inuulluaqqusillunga

Naaja H. Nathanielsen
Naaja H. Nathanielsen